





萬首唐人絕句卷第二十一

七言一百首

題鶴林寺

李涉 八十一首

終日昏昏醉夢間  
忽聞春盡強登山  
因過竹院逢僧  
話又得浮生半日閑

重過文上人院

南隨越鳥北燕鴻  
松月三年別遠公  
無限心中不平  
事一宵清話又成空

雙峯寺得舍弟書

暫入松門拜祖師  
殷勤再讀塔前碑  
回頭忽見尋陽



使太守如今是惠持

木蘭花

碧落真人着紫衣始堪相並木蘭枝今朝繞郭花看  
遍盡是深村田舍兒

過招隱寺

每憶中林訪惠持今來正遇早春時自從休去無心  
事唯向高僧說便知

酬舉生許遇山居

琉璃潭上新秋月清淨泉中智惠珠不似本宗踈二  
教許過雲壑訪潛夫

春晚遊鶴林寺

野寺尋花春已遲背巖唯有兩三枝明朝携酒猶堪  
賞爲報春風且莫吹

題開聖寺

宿雨初收草木濃羣鴉飛散下堂鍾長廊無事僧歸  
院盡日門前獨看松

奉使淮南

漢使徵兵詔未休兩行旌旆接揚州試上高樓望春  
色一年風景盡堪愁

登北固山亭



海繞重山江抱城隋家宮苑此分明居人不覺三吳  
恨却笑關山又戰爭

秋日過負太祝林園

望水尋山二里餘竹林斜到地仙居秋光何處堪消  
日玄晏先生滿架書

題武關

來往悲歡萬里心多從此路計浮沉皆緣不得空門  
要舜葬蒼梧直至今

題溫泉

能使時平四十春開元聖主得賢臣當時姚宋并燕

許盡是驪山從駕人

經滇川館寄使府群公

滇川水竹十家餘漁艇蓬門對岸居大勝塵中走鞍  
馬與他軍府判文書

葺夷陵幽居

負郭依山一徑深萬竿如束翠沉沉從來愛物多成  
癖辛苦移家爲竹林

再游頭陀寺

無因暫泊魯陽戈白髮兼愁日日多只恐雪晴花便  
盡數來山寺亦無他



看射柳枝

玉弣朱弦勅賜弓  
新加二斗得秋風  
萬人齊看翻余  
勒百步穿楊逐箭空

寄峽州韋郎中

年過五十鬢如絲  
不必前程更問師  
幸得休耕樂堯  
化楚山深處最相宜

贈田玉卿

長安里巷舊鄰居  
未解梳頭五歲餘  
今朝嫁得風流  
壻歌舞閑時看讀書

題招隱寺即戴顓舊宅

兩崖古樹千般色  
一井寒泉數丈冰  
欲問前朝戴居  
士野煙秋色是丘陵

山居送僧

失意因休便買山  
白雲深處寄柴關  
若逢城邑人相  
問報道花時也不閑

過襄陽上于司空

方城漢水舊城池  
陵谷依然世自移  
歇馬獨來尋故  
事逢人唯說峴山碑

送魏簡能東遊二首

獻賦論兵命未通  
却乘羸馬出關東  
灞陵原上重回



首十載長安似夢中

燕市悲歌又送君  
目隨征鴈過寒雲  
孤亭宿處時看  
劍莫使塵埃蔽斗文

中秋夜君山臺望月

大堤花裏錦江前  
詩酒同遊四十年  
不料中秋最明  
夜洞庭湖上見當天

訓彭伉

公孫閣裏見君初  
衣錦南歸二十餘  
莫歎屈聲猶未  
展同年今日在中書

硤石遇赦

天網初開釋楚囚  
殘骸已廢自知休  
荷蓑不是人間  
事歸去滄江有釣舟

贈龍泉洞塵上人

八十山僧眼未昏  
獨尋流水到窮源  
自言共得龍神  
語擬作茅庵住洞門

題湖臺

山有松門江有亭  
不勞他處問青冥  
有時帶月牀昇  
到一陣風來酒盡醒

送妻入道

人無回意似波瀾  
琴有離聲爲一彈  
縱使空門再相



見還如秋月水中看

遇湖州妓宋態宜二首

曾識雲仙至小時芙蓉頭上綰青絲當時驚覺高唐  
夢唯有如今宋玉知

陵陽夜會使君筵解語花枝出眼前一從明月西沉  
海不見常娥二十年

逢舊二首

碧落高高雲萬重當時孤鶴去無蹤不期陵谷遷朝  
市今日遼東特地逢  
將作乘槎去不還便尋雲海住三山不知留得支機

石却逐黃河到世間

潤州聽暮角

江城吹角水茫茫曲引邊聲怨思長驚起暮天沙上  
鴈海門斜去兩三行

頭陀寺看竹

寺前新笋已成竿策馬重來獨自看可惜班皮空滿  
地無人解取作頭冠

奉使京西

盧龍已復兩河平烽火樓邊處處耕何事書生走羸  
馬原州城下又添兵



題連雲堡

由來天地有關扃，斷壑連山接杳冥。一出縱知邊上事，滿朝誰信語堪聽。

宿武關

遠別秦城萬里遊，亂山高下入商州。關門不鎖寒溪水，一夜潺湲送客愁。

長安悶作

宵分獨坐到天明，又策羸驂信脚行。每日除書空滿紙，不曾聞有介推名。

和尚書舅見寄

欲隨流水去幽棲，喜伴歸雲入虎溪。深謝陳蕃憐寂寞，遠飛芳字警沉迷。

送王六觀巢縣叔父二首

巢岸南分戰鳥山，水雲程盡到東關。絃歌自是君家事，莫怪今來一邑閑。

長憶山陰舊會時，王家兄弟盡相隨。老來放逐瀟湘路，淚滴秋風引獻之。

偶懷

轉知名宦是悠悠，分付空源始到頭。待送妻兒下山了，便隨雲水一生休。



秋夜題夷陵水館

凝碧初高海氣秋  
桂輪斜落到江樓  
三更浦上巴歌歇  
山影沈沈水不流

與梧州劉中丞

三代盧龍將相家  
五分符竹到天涯  
瘴山江上重相見  
醉裏同看荳蔻花

聽多美唱歌

黃鶯慢轉引秋蟬  
衝斷行雲直入天  
一曲梁州聽初了  
爲君別唱想夫憐

題澗飲寺

百年如夢竟何成  
白髮重來此地行  
還似蕭郎許玄度  
再看庭石悟前生

題蘇仙宅枯松

幾年蒼翠在仙家  
一旦枝枯類海槎  
不如酸澀棠梨樹  
却占高城獨放花

山居

一從身世兩相遺  
往往關門到午時  
想得俗流應大咲  
不知年老識便宜

聽鄰女吟

含情遙夜幾人知  
閑詠風流小謝詩  
還似霓旌下煙



露月邊吹落上清詞

題宇文秀才櫻桃

風光莫占少年家  
白髮殷勤最戀花  
今日顛狂任君笑  
趁愁得醉眼麻茶

竹枝詞二首

石壁千重樹萬重  
白雲斜掩碧芙蓉  
昭君溪上年年  
月偏照嬋娟色最濃  
十二峯頭月欲低  
空靈灘上子規啼  
孤舟一夜東歸  
客泣向春風憶建溪

送楊敬之倅湖南

久嗟塵匣掩青萍  
見說除書試一聽  
聞君却作長沙  
傳便逐秋風過洞庭

送孫堯夫赴舉

自說軒皇息戰威  
萬方無復事戎衣  
却教孫子藏兵  
行空把文章向禮闈

題水月臺

平流白日無人愛  
橋上閑行若箇知  
水似晴天天似  
水兩重星點碧琉璃

早春霽後發頭陀寺寄院中

紅樓金刹倚晴岡  
雨雪初收望漢陽  
草檄可中能有



暇迎春一醉也無妨

哭田布

魏師臨陣却抽營誰管豺狼作信兵縱使將軍能伏  
劍何人島上哭田橫

京口送朱晝之淮南

兩行客淚愁中落萬樹山花雨裏殘君到揚州見桃  
葉爲傳風水渡江難

黃葵花

此花莫遣俗人看新染鵝黃色未乾好逐秋風上天  
去紫陽宮女要頭冠

別南溪二首

如雲不厭蒼梧遠似鴈逢春又北飛唯有隱山溪上  
月年年相望兩依依  
常歎春泉去不回我今此去更難來欲知別後留情  
處手種巖花次第開

井欄砂宿遇夜客

暮雨蕭蕭江上村綠林豪客夜知聞他時不用逃名  
姓世上如今半是君

謝王連州送海陽圖

謝家爲郡實風流畫得青山寄楚囚驚起草堂寒氣



晚海陽潮水到床頭

再謫夷陵題長樂寺

當時謫宦向夷陵願得身閑便作僧誰知漸漸因緣  
重羞見長燃一盞燈

讀謫康州先寄弟渤

唯將直道信蒼蒼可料無名抵憲章陰隲却應先有  
謂已交鴻鴈早隨陽

贈廖道士

膏以明煎信矣哉二年人世不歸來庭前爲報仙桃  
樹今歲花時好好開

山花

六出花開赤玉盤當中紅濕耐春寒長安若在五侯  
宅誰肯將錢買牡丹

聽歌

颯颯先飛梁上塵朱脣不動翠眉顰願得春風吹更  
遠直教愁殺滿城人

送顏覺赴舉

顏子將才應四科料量時輩更誰過居然一片荆山  
玉可怕無人是卞和

題五松驛



雲木蒼蒼數萬株此中言命的應無人生不得如松  
樹却遇秦封作大夫

湘妃廟

班竹林邊有古祠烏啼花發盡堪悲當時惆悵同今  
日南北行人可得知

贈長安小主人

上清真子玉童顏花態嬌羞月思閑仙路迷人應有  
術桃源不必在深山

邠州詞獻高尚書二首

平子都護再分疆西引雙旌出帝鄉朝日詔書添戰

馬即聞千騎取河湟

將家難立是威聲不見多傳衛霍名一自元和  
後馬頭行處即長城

朔方忠義舊來聞盡是邠城父子軍今日兵符歸上  
將旄頭不用更妖氛

游西林寺

十地初心在此身水能生月即離塵如今再結林中  
社可羨當年會裏人

題白鹿蘭若

只去都門十里強竹陰流水遶回廊滿城車馬皆知



有母喚同游盡道忙

寄趙準乞湘川山居

閑說班超有舊居山橫水曲占商於知君不用磻溪  
石乞取終年獨釣魚

曉過函谷關

思韓爲趙兩游秦十月冰霜渡孟津縱使鷄鳴遇關  
吏不知余也是何人

山路見花

崔櫓六首

曉紅初拆露香新獨立空山冷咲春春意自知無主  
惜恣風吹逐馬蹄塵

暮春對花

病香無力被風吹多在青苔少在枝馬上行人莫回  
首斷君腸是欲殘時

華清宮四首

銀河漾漾月輝輝樓礙星邊織女機橫玉叫雲清似  
水滿空霜逐一聲飛

障掩金鷄蓄禍機翠環西拂蜀雲飛珠簾一閉朝元  
閣不見人歸見燕歸

草遶回磴絕鳴鑿雲樹深深碧殿寒明月自來還自  
去更無人倚玉欄干



門橫金鎖悄無人  
落日秋聲渭水濱  
紅葉下山寒寂  
寂濕雲如夢雨如塵

春日

上官儀 一首

花輕蝶亂仙人杏  
葉密鶯啼帝女桑  
飛雲閣上春應  
至明月樓中夜未央

過真律師舊院

麴信陵 三首

寂然秋院閉  
秋光過客閑  
來禮影堂堅  
冰消盡還成  
水本自無形  
何足傷

酬談上人詠海石榴

真僧相勸外  
浮華萬法無  
常可歎嗟  
但試尋思  
塔下

樹何人種此  
我看花

出自賊中謁恒上人

再拜吾師喜  
復悲誓心  
從此永歸  
依浮生恍  
惚若真  
夢何事於  
中有是非

觀祈雨

李約 四首

桑條無葉土生煙  
簫管迎龍水廟前  
朱門幾處看歌  
舞猶恐春陰咽  
管絃

江南春

池塘春暖水紋開  
堤柳垂絲間野梅  
江上年年芳意  
早蓬瀛春色逐朝來



過華清宮

君王遊樂萬機輕一曲霓裳四海兵玉輦升天人已  
盡故宮猶有樹長生

病中宿宜陽館聞雨

難眠夏夜抵秋賒簾幔深垂窓燭斜風吹桐竹更無  
雨白髮病人心到家

送人使河源

張謂三首

故人行役向邊州匹馬今朝不少留長路關山何日  
盡滿堂絲竹爲君愁

長沙火後戲題蓮花寺

金園寶刹半長沙劫火旁延一萬家樓殿摠隨烟燄  
盡火中何處出蓮花

贈趙使君美人

紅粉青娥映楚雲桃花馬上石榴裙羅敷獨向東方  
去漫學他家作使君

贈廣陵妓

張又新二首

雲雨分飛二十年當時求夢不曾眠今來頭白重相  
見還上襄王玳瑁筵

牡丹

牡丹一朵直千金將謂從來色最深今日滿欄開似



雪一生辜負看花心

萬首唐人絕句卷第二十一

萬首唐人絕句卷第二十二

七言一百首

過馬嵬

李益 四十首

漢將如雲不直言  
寇來翻罪綺羅恩  
託君不洗蓮花  
血留寄千年妾淚痕

夜上受降城聞笛

回樂峯前沙似雪  
受降城外月如霜  
不知何處吹蘆  
管一夜征人盡望鄉

答許端公

晚逐旌旗俱白首  
少游京洛共緇塵  
不堪身外悲前



事強向杯中覓舊春

邊思

腰垂錦帶佩吳鉤  
走馬曾防玉塞秋  
莫笑關西將家子  
祇將詩思入梁州

春曉聞鶯

蜀道山川心易驚  
綠窓殘夢曉聞鶯  
分明似雪文君恨  
萬怨千愁絃上聲

送客還幽州

怊悵秦城送獨歸  
薊門雲樹遠依依  
秋來莫射南來鴈  
從遣乘春更北飛

柳楊送客

青楓江畔白蘋洲  
楚客傷離不待秋  
君見隋朝更何事  
柳楊南渡水悠悠

從軍北征

天山雪後海風寒  
橫笛偏吹行路難  
磧裏征人三十萬  
一時回向月明看

牡丹

紫藥叢開未到家  
却教游客賞繁華  
始知年少求名處  
滿眼空中別有花

楊州送客



南行直入鷓鴣羣萬歲橋邊一送君聞道望鄉聞不  
得梅花暗落嶺頭雲

統漢峯下

統漢峯西降戶營黃河戰骨擁長城只今已勒燕然  
石北地無人空月明

避暑女冠

霧袖煙裾雲母冠碧琉璃簾井冰寒焚香欲使三清  
鳥靜拂桐陰上玉壇

行舟

柳花飛入正行舟卧引菱花信碧流聞道風光滿楊

子天晴共與望鄉樓

隋宮燕

燕語如傷舊國春宮花一落旋成塵自從一閉風光  
後幾度飛來不見人

送人歸岳陽

煙草連天楓樹齊岳陽歸路子規啼春江萬里巴陵  
戍落日看沉碧水西

上汝州郡樓

黃昏鼓角似邊州三十年前上此樓今日山川對垂  
淚傷心不獨爲悲秋



臨滹沱見蕃使列名

漢南春色到滹沱邊柳青青塞馬多萬里江山今不  
閉漢家頻許郅支和

寫情

水紋玳簾思悠悠千里嘉期一夕休從此無心愛良  
夜任他明月下西樓

夜上西城聽涼州曲二首

行人夜上西城宿聽唱揚州雙管逐此時秋月滿關  
山何處關山無此曲

鴻鴈新從北地來聞聲一半却飛回金河戍客腸應

斷更在秋風百尺臺

聽曉角

邊霜昨夜墮關榆吹角當城片月孤無限寒鴻飛不  
度秋風吹入小單于

暮過回樂峯

烽火高飛百尺臺黃昏遙自磧南來昔時征戰回應  
樂今日從軍樂未回

拂雲堆

漢將新從虜地來旌旗半上拂雲堆單于馬近沙場  
獵南望陰山哭始回



汴河曲

汴水東流無限春  
隋家宮闕已成塵  
行人莫上長堤望  
風起楊花愁殺人

中橋北送穆質兄弟應制戲贈蕭二

洛水橋邊鴈影踈  
陸機兄弟駐行車  
欲陳漢帝登封草  
猶待蕭郎寄內書

九月十日雨中過張伯雄期柳雄未至

柳吳興近無消息  
張長公貧苦寂寞  
唯有角巾沾雨  
至手持殘菊向西招

暖川

胡風凍合鷓鴣泉  
牛馬千羣逐暖川  
塞外征行無盡日  
年年移帳雪中天

詣紅樓院尋廣宣不遇

柿葉翻紅霜景秋  
碧天如水倚紅樓  
隔窓愛竹無人問  
遣向鄰房覓戶鉤

宮怨

露濕暗花春殿香  
月明歌吹在昭陽  
似將海水添宮漏  
共滴長門一夜長

度破訥沙二首

眼見風來沙旋移  
經年不省草生時  
莫言塞北無春



到縱有春來何處知  
破訥沙頭鴈正飛  
礪鷄泉上戰初歸  
平明日出東南  
地滿磧寒光生鐵衣

和武相公郊居

黃扉晚下禁垣鍾  
歸坐南闈山萬重  
獨有月中高興  
盡雪峯明處見寒松

回軍行

關城榆葉早踈黃  
日暮沙雲古戰場  
表請回軍掩塵  
骨莫教兵士哭龍荒

邠寧春日

桃李年年上國新  
風沙日日塞垣人  
傷心更見庭前  
柳忽有千條欲戰春

上黃堆峯

心期紫閣山中月  
身過黃堆峯上雲  
年髮已從書劍  
老戎衣更逐霍將軍

赴渭北宿石泉驛南望黃堆

邊城已在虜塵中  
烽火南飛入漢宮  
漢庭議事先黃  
老麟閣何人定戰功

逢歸信偶寄

無事將心寄柳條  
等閑書字滿芭蕉  
鄉關若有東流



信遣送揚州近驛橋

亂中偷路入故鄉

裴說 五首

愁看賊火起諸烽偷得餘程悵望中一國半爲亡國  
燼數城俱作古城空

薔薇

一架長條萬朶春嫩紅深綠小窠勻只應根下千年  
土曾葬西川織錦人

春日山中竹

數竿蒼翠擬龍形峭拔須教此地生無限野花開不  
得半山寒色與春爭

柳

高拂危樓低拂塵灞橋攀折一何頻思量却是無情  
樹不解迎人只送人

岳陽兵火後題僧舍

十年兵火真多事再到禪扉却破顏唯有兩般燒不  
得洞庭湖水老僧閑

舟中送李八

皇甫冉 十七首

詞客金門未有媒游吳適越任舟回遠水迢迢分手  
去天邊天色待人來

送裴闡



道向毗陵豈是歸客中誰與換春衣今夜孤舟行近  
遠紫荆零雨正霏霏

秋夜戲題劉方平壁

鴻悲月白時將謝正可招尋惜遙夜翠帳蘭房曲且  
深寧知戶外清霜下

曾山送別

棲棲遊子若飄蓬明日清尊祇暫同南望千山如黛  
色愁君客路在其中

送雲陽少府

渭曲春光無遠近池陽谷口倍芳菲官舍村橋來幾

日殘花寥落待君歸

寄振上人寺居

戀親時見在人羣多在東山就白雲獨坐焚香誦經  
處深山古寺雪紛紛

酬張繼

悵望南徐登北固迢迢西塞限東關落日臨川問音  
信寒潮唯帶夕陽還

送陸遂二首

何事千年遇聖君坐令霜鬢老如雲南行更入深山  
淺岐路悠悠水自分



纔見吳州百草春已聞燕鴈一聲新  
秋風何處催年急偏逐山行水宿人

送謝二十判官

四牡馳驅千里餘越山稠疊海林踈  
不辭終日離家遠應爲劉公一紙書

晚望南岳寺懷普門上人

釋子身心無垢氛獨將衣鉢去人群  
相思晚望松林寺唯有鍾聲出白雲

重陽日酬寄二首

不見白衣來送酒但令黃菊自開花  
愁看日晚良辰

過步步行尋陶令家

露濕青蕪時欲晚水流黃葉意無窮  
節近重陽念歸否眼前籬菊帶秋風

少室山韋鍊師昇仙歌

紅霞紫氣甚氤氳絳節青童迎少君  
忽從林下昇天去空使時人禮白雲

送魏十六還蘇州

秋夜沉沉此送君陰蟲切切不堪聞  
歸舟明日毗陵道回首姑蘇是白雲

臨平道中贈同舟人



遠山誰辨山南北長路長隨樹淺深流蕩飄搖此何  
極唯應行客共知心

趙李少府莊失路

君家南郭白雲連正待天晴弄石泉月照煙花迷客  
路蒼蒼何處是伊川

涼州詞

耿漳四首

國使翩翩隨旆旌隴西岐路足荒城瓊表牧馬胡雛  
小日暮蕃歌三兩聲

路傍墓

石馬雙雙當古樹不知何代公侯墓  
前靡靡春草

深唯有行人看碑路

代園中老人

傭賃誰堪一老身  
瞞瞞力役在青春  
林園手種唯吾  
事桃李成陰歸別人

古意

雖言千騎上頭居  
一世生離恨有餘  
葉下綺窓銀燭  
冷含啼自草錦中書

古意

王駕四首

夫戍蕭關妾在吳  
西風吹妾妾憂夫  
一行書信千行  
淚寒到君邊衣到無



過故友居

鄰笛寒吹日落初舊居今已別人居亂來兒姪皆分散惆悵僧房認得書

晴景

雨前初見花間蕊雨後兼無葉裏花蛺蝶飛來過墻去應疑春色在鄰家

亂後曲江

憶昔爭遊曲水濱未春長有探春人遊春人盡空池在直至春深不似春

回鄉偶書二首

賀知章 三首

離別家鄉歲月多近來人事半消磨唯有門前鏡湖水春風不改舊時波  
幼小離家老大回鄉音難改面毛腮家童相見不相識却問客從何處來

採蓮

稽山罷霧鬱嵯峨鏡水無風也自波莫言春度芳菲盡別有中流采芰荷

江上送客

李端 十首

故人南去漢江陰秋雨蕭蕭雲夢深江上見人應下淚由來遠客易傷心



閨情

月落星稀天欲明，孤燈未滅夢難成。  
披衣更向門前望，不忿朝來鵲喜聲。

送劉侍郎

幾人同去謝宣城，未及酬恩隔死生。  
唯有夜猿知客恨，嶧陽溪路第三聲。

送鄭宥歸蜀因寄何兆

黃花西上路，何如青壁連天鴈。  
亦踈爲報長卿休滌器，漢家思見茂陵書。

宿石澗店聞婦人哭

山店門前一婦人，哀哀夜哭向秋雲。  
自說夫因征戰死，朝來逢著舊將軍。

與道者別

聞說滄溟今已淺，何當白鶴更歸來。  
舊師唯有先生在，忍見門人掩淚回。

長門怨

金壺漏盡禁門開，飛燕昭陽侍寢回。  
隨分獨眠秋殿裏，遙聞語笑自空來。

憶友懷野寺舊居

自嫌野性共人踈，憶向西林更結廬。  
寄謝山陰許都



講昨來頻得遠公書

聽夜雨寄盧綸

暮雨蕭條過鳳城  
霏霏颯颯重還輕  
聞君此夜東林宿  
聽得荷池幾番聲

昭君詞

李陵初送子卿回  
漢月明明照帳來  
憶着長安舊游處  
千門萬戶玉樓臺

嶺猿

常建 五首

杳杳依依清且切  
鷓鴣飛處又斜陽  
相思嶺上相思淚  
不到三聲合斷腸

送宇文六

花映垂楊漢水清  
微風林裏一花輕  
即今江北還如此  
愁殺江南離別情

落第長安

家園住在上留秦  
恥作明時失路人  
恐逢故里鶯花笑  
且向長安度一春

題法院

勝景門開對遠山  
竹深松老半含煙  
素月殿中三度磬  
水精宮裏一僧禪

塞下



鐵馬胡裘出漢營分麾百道救龍城左賢未遁兵竿  
折過在將軍不在兵

廣陵城

孟遲 十一首

紅遶高臺綠遶城城邊春草傍墻生隋家不向此中  
盡汴水應無東去聲

過驪山

冷日微煙渭上愁華清宮樹不勝秋霓裳一曲千門  
鎖白盡梨園弟子頭

長信宮

君恩已盡欲何歸猶有殘香在舞衣自恨身輕不如

燕春來還遶御簾飛

吳故宮

越女歌長君且聽芙蓉香滿水邊城豈知一日終非  
主猶自如今有燕聲

蘭昌宮

宮門兩片掩埃塵墻上無花草不春誰見當時禁中  
事阿嬌解佩與何人

烏江

中分豈是無遺策百戰空勞不逝騅大業固非人事  
及烏江亭長又何知



蓮塘

脉脉低回殷袖遮  
臉橫秋水髻盤鴉  
蓮莖有刺不成  
折盡日岸傍空看花

宮人斜

雲慘煙愁苑路斜  
路傍丘冢盡宮娃  
茂陵不是同歸  
處空寄香魂着野花

新安故關

漢帝英雄重武材  
崇山險處鑿門開  
如今更有將軍  
否移取潼關向北來

還淮却寄睢陽

梁王池苑已蒼然  
滿樹斜陽極浦煙  
盡日回頭看不  
見兩行秋淚上南船

閑情

山上有山歸不得  
江湖暮雨鷓鴣飛  
蘼蕪亦是王孫  
草莫送春香入客衣

春行寄興

李華 一首

宜陽城下草萋萋  
澗水東流復向西  
芳樹無人花自  
落春山一路鳥空啼

萬首唐人絕句卷第二十二



萬首唐人絕句卷第二十三

春日七言一百首

送蜀客

張籍一百首

蜀客南行祭碧雞  
木綿花發錦江西  
山橋日晚行人少  
時見猩猩樹上啼

蠻中

銅柱南邊毒草春  
行人幾日到金麟  
玉環穿耳誰家女  
自抱琵琶迎海神

贈道士

茆山近別剡溪逢  
玉節青毛十二重  
自說年年上天



去羅浮最近海邊峯

望平驛

茫茫菰草平如地  
渺渺長堤曲似城  
日暮未知投宿處  
逢人更問向前程

宿天竺寺寄靈隱僧

夜向靈溪息此身  
風泉竹露淨衣塵  
月明石上堪同宿  
那作山南山北人

送元紹

春日同遊漳水邊  
如今重說恨綿綿  
天涯相見還離別  
客路秋風又幾年

美人宮碁

紅燭臺前出翠娥  
海沙鋪局巧相和  
趁行移手巡收盡  
數數看誰得最多

蠻州

瘴水蠻中入洞流  
人家多住竹棚頭  
青山海上無城郭  
唯見松牌出象州

送元宗簡

貂帽垂肩窄皂裘  
雪深騎馬向西州  
暫時相見還相送  
却閉閑門依舊愁

寄徐晦



鄠陂魚美酒偏濃不出琴齋見雪峯應勝昨來趨府  
日簿書牀上亂重重

寄白學士

自掌天書見客稀縱因休沐鎖雙扉幾回扶病欲相  
訪知向禁中歸未歸

喜王六同宿

十八年來恨別離唯同一宿詠新詩更相借問詩中  
語共說如今勝舊時

題玉像堂

玉毫不着世間塵輝相分明十八身入夜無煙燈更

好堂中唯有轉經人

與賈島閑遊

水北原南草色新雪消風暖不生塵城中車馬應無  
數能解閑行有幾人

哭丘長史

丘公已沒故人稀欲過街西更訪誰每到子城東路  
上憶君相逐入朝時

哭孟寂

曲江院裏題名處十九人中最少年今日春光君不  
見杏花零落寺門前



患眼

三年患眼今年校免與風光便隔生昨日韓家後園裏看花猶似未分明

答劉兢

劉君又被時拋擲老向城中作選人昨日街西相近住每來存問老夫身

贈華嚴寺僧

一身依止荒閑院燭耀窓中有百煙徧禮華嚴經裏字不曾行到寺門前

逢故人

山東二十餘年別今日相逢在上都說盡向來無限事相看摩捋白髭鬚

送蕭遠弟

街裏槐花傍馬垂病身相送出門遲與君別後秋風夜作得新詩說向誰

送辛少府

才多不肯限容身老大詩章轉更新  
得天台山下住一家全作學仙人

贈任道士

長安多病無生計藥鋪醫人亂索錢欲得定知身上



事憑君爲筭小行年

招周居士

閉門秋雨濕墻莎俗客來稀野思多已掃書堂安藥  
竈山人作意早經過

送許處士

高情自與俗人踈獨向藍谿選僻居會到白雲長取  
醉不能窻下讀閑書

題楊祕書新居

愛閑不向爭名地宅在街西最靜坊卷裏詩過一千  
首白頭新受祕書郎

送晔師

九星壇下煎茶別五老峯頭覓寺居作得新詩旋相  
寄人來請莫達空書

送僧往金州

聞道溪陰山水好師行一一徧經過事須覓取堪居  
處若箇溪頭藥最多

尋徐道士

尋師遠到暉天觀竹院森森閉藥房聞入靜來經七  
日仙童簷下獨焚香

答韋開州寄車前子



開州午日車前子作藥人皆道有神慚愧使君憐病  
眼三千餘里寄閑人

憶故州

累石爲山作野夫自收雲藥讀仙書如今身是他州  
客每見青山憶舊居

送客游蜀

行盡青山到益州錦城樓下二江流杜家曾向此中  
住爲到浣花谿水頭

送陸暢

共踏長安街裏塵吳州獨作未歸身貴門舊宅今誰

住君過西塘與問人

感春

遠客悠悠任病身誰家池上又逢春明年各自東西  
去此地看花是別人

贈李司議

漢庭誰問投荒客十歲天南着白衣秋草茫茫惡溪  
路嶺頭遙送北人歸

別客

青山歷歷水悠悠今日相逢明月秋繫馬城邊楊柳  
樹爲君沽酒暫淹留



登樓寄胡家兄弟

獨上西樓盡日閑  
林煙演漾鳥蠻蠻  
謝家兄弟重城裏  
不得同看雨後山

答劉明府

身病多時又客居  
滿城親舊盡相疎  
可憐絳縣劉明府  
猶解頻頻寄遠書

酬藤杖

病裏出門行步遲  
喜君相贈古藤枝  
倚來自覺身生力  
每向傍人說得時

法雄寺東樓

汾河舊宅今爲寺  
猶有當時歌舞樓  
四十年來車馬客  
古槐深巷暮蟬愁

寄故人

靜曲閑房病客居  
蟬聲滿樹槿花疎  
故人祇在藍田縣  
強半年來不得書

鄰婦哭征夫

雙鬟初合便分離  
萬里征夫不得隨  
今日軍回身獨沒  
去時鞍馬別人騎

和崔駙馬聞蟬

鳳皇樓下多歡樂  
不覺秋風暮雨天  
應爲昨來身暫



病蟬聲得到耳傍邊

看櫻桃花

昨日南園新雨後櫻桃花發舊枝柯天明不待人同  
看遶樹重重履跡多

和郭明府縣中會飲

一樽清酒兩人同好在街西水縣中自恨病身相去  
遠此時閑坐對秋風

唐興觀看花

新紅舊紫不相宜看覺從前兩月遲更向同來詩客  
道明年到此莫過時

九華觀看花

街西無數閑遊處不似九華仙觀中花裏可憐池上  
景幾回墻壁貯春風

贈姚合

丹鳳門前向曉開千官相次入朝來唯君獨走衝塵  
土下馬橋邊報直回

尋時道士

觀裏初晴竹樹涼閑行共到最高房昨來官罷無生  
計欲就師求斷穀方

同韓侍郎南溪夜賞



喜作閑人得出城南溪兩月逐君行忽聞新命須歸  
去一夜船中語到明

使行望悟真

採玉峯連佛寺幽高高斜對驛門樓無端來去騎官  
馬寸步教身不得遊

重陽日至峽道

無限青山行已盡回看忽覺遠離家逢高欲飲重陽  
酒山菊今朝未見花

贈坐客劉郎中

憶昔君登南省日老夫猶是褐衣身誰知二十餘年

後來作學曹相替人

唐興觀玉蕊仙二首

千枝花裏玉塵飛阿母宮中見亦稀應共諸仙鬪百  
草獨來偷折一枝歸  
九色雲中紫鳳車尋仙來到洞仙家飛輪回處無蹤  
跡唯有班班滿地花

秋思

洛陽城裏見秋風欲作歸書意萬重復恐忽忽說不  
盡行人臨發又開封

憶遠



行人猶未有歸期  
萬里初程日暮時  
唯愛門前雙柳  
樹枝枝葉葉不相離

玉山館

長溪新雨色如泥  
野水陰雲盡向西  
楚客天南行漸  
遠山山樹裏鷓鴣啼

寄府吏

野水尋花共作期  
今朝出郭不相隨  
待君公事有閑  
日此地春風應過時

涼州詞三首

邊城暮雨鴈飛低  
蘆筍初生漸欲齊  
無數鈴聲遙過

磧應馱白練到安西

古鎮城門白磧開  
胡兵往往傍沙堆  
巡邊使客行應  
早每待平安火到來

鳳林關裏水東流  
白草黃榆六十秋  
邊將皆承主恩  
澤無人解道取涼州

宮詞二首

新鷹初放兔猶肥  
白日君王在內稀  
薄暮千門臨欲  
鎖紅粧飛騎向前歸

黃金捍撥紫檀槽  
絃索初張調更高  
盡理昨來新上  
曲內官簾外送櫻桃



華清宮

溫泉流入漢離宮  
宮樹行行浴殿空  
武帝時人今欲  
盡青山空閉御墻中

崔駙馬養鶴

身閑無事稱高情  
已有人間章句名  
求得鶴來教剪  
翅望仙臺下亦將行

閑遊二首

老身不計人間事  
野寺秋晴每獨過  
病眼校來猶斷  
酒却嫌行處菊花多  
終日不離塵土間  
若爲能見此身閑  
今朝暫共遊僧

語更恨趨時別舊山

劉兵曹贈酒

一瓶顏色似甘泉  
開向新栽小竹前  
飲罷身中更無  
事移床獨就日陽眠

送王梧州

楚江亭上秋風起  
看發蒼梧太守船  
千里同行從此  
別相逢又隔幾年

春日早朝

曉陌春寒朝騎來  
瑞雲深處見樓臺  
夜來新雨沙墀  
濕東上閣門應未開



寄二山人

爲箇朝章束此身眼看東洛去無因  
歷陽舊客今應少轉憶隣家二老人

寄李渤

五度溪頭躑躅紅嵩陽寺裏講時鍾  
春山處處行應好一月看花到幾峯

尋仙

溪頭一徑入青崖處處仙居隔杏花  
更見峰西幽客說雲中猶有兩三家

寄王奉卿

愛君紫閣峯前好新作書堂藥竈成  
見欲移居相近住有田多與種黃精

題渭北寺上方

昔祭郊壇今謁陵寺中高處最來登  
十餘年後人多別喜見當時轉讀僧

杏園贈劉郎中

一去瀟湘頭欲白今朝始見杏花春  
從來遷客應無數重到花前有幾人

荅鄱陽客藥名詩

江臯歲暮相逢地黃葉霜前半夏枝  
子夜吟詩向松



桂心中萬事喜君知

寄宋景

詔發官兵取亂臣將軍弓箭不離身君今獨在征東  
府莫遣功名屬別人

倡女詞

輕鬢叢梳闊掃眉為嫌風日下樓稀畫羅金縷難相  
稱故着尋常淡薄衣

荅元八遺紗帽

黑紗方帽君邊得稱到山前坐竹床唯恐被人偷樣  
剪不曾閑戴出書堂

題僧院

聞師行講青龍疏本寺住來多少年靜掃空房唯獨  
坐千莖秋竹在簷前

送元八

百神齋祭相隨徧尋竹看山亦共行明日城西送君  
去舊遊重到獨題名

吳楚歌詞

庭前春鳥啄林聲紅夾羅襦縫未成今朝社日停針  
線起向朱櫻樹下行

月臺觀



一身清淨無童子獨坐空堂得幾年每夜焚香通月  
觀可憐光得最團圓

華山廟

金天廟下西京道巫女紛紛走似煙手把紙錢迎過  
客遣求恩福到神前

病中

東風漸暖滿城春獨自幽居養病身莫說櫻桃花已  
發今年不作看花人

寺宿齋

晚到今光門外寺寺中新竹隔簾多齋官禁與僧相

見院院開門不得過

贈施肩吾

世間漸覺無多事雖得空名未着身合取藥成相待  
喫不須先作上天人

贈王建

于君去後交游少東野無來篋笥貧賴有白頭王建  
在眼前猶見詠詩人

逢賈島

僧房逢著款冬花出寺吟行日已斜十二街中春雪  
滿馬蹄今去入誰家



離宮怨

高堂別館連湘渚長向春江開萬戶荆王去去不復  
來宮中美人自歌舞

春別曲

長江春水綠堪染蓮葉出水大如錢江頭橘樹君自  
種那不長繫木蘭船

成都曲

錦江近西煙水綠新雨山頭荔枝熟萬里橋邊多酒  
家遊人愛向誰家宿

烏栖曲

西山作宮潮滿池宮鳥曉鳴茱萸枝吳姬採蓮自唱  
曲君王昨夜舟中宿

楚妃怨

梧桐葉下黃金井橫架轆轤牽素縷美人初起天未  
明手拂銀瓶秋水冷

寒塘曲

寒塘沉沉柳葉疎水暗人語驚栖鳧舟中少年醉不  
起持燭照水射游魚

春堤曲

野塘鷓鴣飛樹頭綠蒲紫菱蓋碧流狂客誰家愛雲



水日日獨來城下遊

山禽

山禽毛如白練帶栖我庭前栗樹枝獼猴半夜來取栗一雙中林向月飛

秋山

秋山無雲復可風溪頭看月出深松草堂不閉石床靜葉間隊露聲重重

萬首唐人絕句卷第二十三

萬首唐人絕句卷第二十四

七言一百首

寄桐江隱者

許渾 五十首

潮去潮來洲渚春山花如繡草如茵嚴陵臺下桐江水解釣鱸魚有幾人

送曾主簿歸楚州省覲予亦明日歸姑熟

帆轉清淮極鳥飛落帆應換老萊衣河亭未醉先惆悵明日還從此路歸

重別 時諸妓同餞

淚泫紅粉濕羅巾重繫蘭舟勸酒頻留却一枝河畔



柳明朝猶有遠行人

湖上

鬢髯欲當三五夕萬蟬清雜亂泉紋釣魚船上一樽  
酒月出渡頭零落雲

夜泊永樂驛

蓮渚愁紅蕩碧波吳娃齊唱採蓮歌橫塘一別已千  
里蘆葦蕭蕭風雨多

宿水閣

野客從來不解愁等閑乘月海西頭未知南陌誰家  
子夜半吹笙入水樓

謝亭送別

勞歌一曲解行舟紅葉青山水急流日暮酒醒人已  
遠滿天風雨下西樓

酬李當

知有瑤華手自開巴人虛唱懶封回山陰一夜滿溪  
雪借問扁舟來不來

蟬

噪柳鳴槐晚未休不知何事愛悲秋朱門大有長吟  
處剛被愁人又送愁

夜過松江寄友



清露白雲明月天與君齊棹木蘭船南湖風雨一相  
失夜泊橫塘心渺然

守風淮陰

遙見江陰夜漁客因思京口釣魚時一潭明月萬株  
柳自去自來人不知

亡題

商嶺采芝尋四老紫陽收木訪三茅欲求不死長生  
訣骨裏無仙不肯教

送楊發東歸

紅花半落燕于飛同客長安今獨歸一紙鄉書報兄

弟還家羞着別時衣

寄宋祁

朱檻煙霜夜坐勞美人南國舊同袍山長水遠無消  
息瑤瑟一彈秋月高

題四老廟二首

栽栽商嶺采芝人雪頂霜髯虎豹茵山酒一卮歌一  
曲漢家天子忌功臣

避秦安漢出藍關松桂花陰滿舊山自是無人有歸  
意白雲常在水潺潺

夏日寄江上親友



雨過前山日未斜清蟬嘒嘒落槐花車輪南北已無  
限江上故人纔到家

下第懷友人

獨掩衡門花盛時一封書信緩歸期南宗更有瀟湘  
客夜夜月明聞竹枝

客有卜居不遂薄遊汧隴者

海燕西飛白日斜天門遙望五侯家樓臺深鎖無人  
到落盡春風第一花

陳宮怨二首

風暖江城白日遲昔人遺事後人悲草生宮闕國無

主玉樹後庭花爲誰

地雄山險水悠悠不信隋兵到石頭玉樹後庭花一  
曲與君同上景陽樓

題段太尉廟

靜想追兵緩翠華古碑荒廟閉松花紀生不向滎陽  
死爭有山河屬漢家

經秦皇墓

龍盤虎踞樹層層勢入浮雲亦是崩一種青山秋草  
裏路人唯拜漢文陵

游楞伽寺



碧烟秋寺泛潮來水浸城根古堞摧盡日傷心人不見石榴花滿舊琴臺

緱山廟

王子求仙月滿臺玉簫清轉鶴徘徊曲終飛去不知處山下碧桃春自開

送薛先輩入關

一卮春酒送離歌花落敬亭芳草多欲問歸期已深醉只應孤夢繞關河

過鴻溝

相持未定各爲君秦政山河此地分力盡烏江千載

後古溝芳草起寒雲

韓信廟

朝言雲夢暮南巡已爲功名少退身盡握兵權猶不得更將心計託何人

過湘妃廟

古木蒼山掩翠娥月明南浦起微波九疑望斷幾千載班竹淚痕今更多

寄敬上人

萬山秋雨水縈回紅葉多從紫閣來雲冷竹齋禪衲薄已應飛錫過天台



秋思

琪樹西風枕簟秋楚雲湘水憶同遊高歌一曲掩明鏡昨日少年今白頭

送宋處士歸山

賣藥修琴歸去遲山風吹盡桂花枝世間甲子須臾事逢着仙人莫看棋

聽琵琶

欲寫明妃萬里情紫槽紅撥夜丁丁胡沙望盡漢宮遠月落天山聞一聲

秦樓曲

秦女夢餘仙路遙月窻風簾夜迢迢潘郎翠鳳雙飛去三十六宮聞玉簫

題旌儒廟

寒栢陰風萬古悲儒冠相枕死秦時廟前亦有商山路不學老翁歌紫芝

覽故人題僧院詩

高閣清吟寄遠公四時雲月一篇中今來借問獨何處日暮槿花零落風

楚宮怨二首

十二山晴花盡開楚宮雙闕對陽臺細腰爭舞君沉



醉白日秦兵天上來

獵騎秋來在內稀  
渚宮雲雨濕龍衣  
騰騰戰鼓動城闕  
江畔射麋猶未歸

聽唱山鷓鴣

金谷歌傳第一流  
鷓鴣清怨碧煙愁  
夜來省得曾聞處  
萬里月明湘水秋

晨起西樓

留情深處駐橫波  
歛翠凝紅一曲歌  
明月下樓人未散  
共愁三徑是天河

酬盧端公藍口阻風

又携刁筆泛膺舟  
藍口風高桂楫留  
還似郢中歌一曲  
夜來春雪照西樓

贈何處士

東別茅峯北去秦  
梅仙書裏說真人  
白頭主印青山下  
雖遇唐生不敢親

鷺鷥

西風澹澹水悠悠  
雪點絲絲飄帶雨  
愁何限歸心倚前閣  
綠蒲紅蓼練塘秋

學仙二首

漢武迎仙紫禁秋  
玉笙瑤瑟似崑丘  
年年望斷無消



息空閉重城十二樓

心期仙訣意無窮采盡雲車起壽宮聞有三山未知  
處茂陵松栢滿西風

酬韋侍御

桂楫美人歌木蘭西風嫋嫋露溥溥夜長曲盡意不  
盡月在清湘洲渚寒

紫藤

綠蔓穠陰紫袖低客來留坐小堂西醉中掩瑟無人  
會家近江南菴盡溪

宿咸宜觀

羽袖飄飄香夜風翠幢歸殿玉壇空步虛聲盡天未  
曉雲壓桃花月滿空

金谷園

三惑沉身是此園古藤荒草野禽喧二十四友一朝  
盡愛妾墜樓何足言

送崔珣入朝

書劔功遲白髮新強登蕭寺送歸秦月斜松桂倚高  
閣明夜江南江北人

遇劉五

李頎六首

洛陽一別梨花新黃鳥飛飛逢故人携手當年共爲



樂無驚蕙草惜殘春

白花原

白花原頭望京師黃河流無已時秋天曠野人行  
絕馬首西來知是誰

失題

紫極殿前朝伏奏龍花會裏日相望別離歲歲如流  
水誰辨它鄉與故鄉

寄韓鵬

為政心閑物自閑朝看飛鳥暮飛還寄書河上神明  
宰羨爾城頭姑射山

送崔嬰赴漢陽

中外相連弟與兄新加小縣子男名年纔三十佩銅  
印知爾弦歌漢水清

野老曝背

百歲老翁不種田惟知曝背樂殘年有時捫虱獨搔  
首目送歸鴻籬下眠

上元夜

崔液二首

玉漏銅壺且莫催鐵闌金鎖徹明開誰家見月能閑  
坐何處聞燈不看來

其二



神燈佛火百輪張刻像圖形七寶裝影裏如開金口  
說空中似散玉毫光

使院小池

賈島 三十八首

小池誰見鑿時初走水南來十里餘樓上日斜吹暮  
角院中人出鎖游魚

夜坐

蟋蟀漸多秋不淺蟾蜍已沒夜應深三更兩鬢幾枝  
雪一念雙峯四祖心

送別

門外便伸千里別無車不得到河梁高樓直上百餘

尺今日爲君南望長

聞蟬感懷

新蟬忽發最高枝不覺立聽無限時正遇友人來告  
別一聲分作兩般悲

夏雨宿寺

詩成一夜月中題便卧松風到曉雞帶月時聞山鳥  
語郡城知近武陵溪

送于摠持歸京

出家初隸何方寺上國西明御水東却見舊房階下  
樹別來二十一春風



池上鶴

月中時叫葉紛紛不異洞庭霜夜聞翎羽從今如罷  
剪猶能飛起向孤雲

友人婚催粧

不知今夕是何夕催促陽臺近鏡臺誰道芙蓉水中  
種青銅鏡裏一枝開

和韓吏部泛南溪

溪裏晚從池岸出石泉秋急夜深聞木蘭船共出人  
上月映渡頭零落雲

酬姚合

黍穗豆苗侵古道晴原午後早秋時故人相憶僧來  
說楊柳無風蟬滿枝

送僧二首

遍參尊宿遊方久名岳竒峯問此公五月半閒看瀑  
布青城山裏白雲中

池上時時松雪落焚香烟起見孤燈靜夜憶誰來對  
坐曲江南岸寺中僧  
歸蜀擬從巫峽過何時得入舊房禪寺中來後誰身  
化起塔栽松向野田

渡桑乾



客舍并州已十霜歸心日夜憶咸陽無端更渡桑乾  
水却望并州是故鄉

夜期客不至

逸人期宿石床中遣我開扉對晚空不知何處嘯秋  
月閑著松門一夜風

夜集烏行中所居

環爐促席復持杯松院雙扉向月開坐上同聲半先  
達名山獨入此心來

贈李文通

營當萬勝岡頭下誓立千年不朽功天子手擎新鉞

斧諫官請贈李文通

三月晦日贈劉評事

三月正當三十日風光別我苦吟身共君今夜不須  
睡未到曉鍾猶是春

送道者二首

新歲抱琴何處去洛陽三十六峯西生來未識山人  
面不得一聽烏夜啼

常言喫藥全勝飯華岳松邊采茯苓不遣髭鬚一莖  
白擬爲白日上昇人

宿村家亭子



唐詩集卷二十四  
十一  
床頭枕是溪中石井底泉通竹下池宿客未眠過半  
夜獨聞山雨到來時

題興化園亭

破却千家作一池不栽桃李種薔薇薔薇花落秋風  
起荆棘滿庭君始知

竹

籬外清陰接藥欄曉風交戛碧琅玕子猷沒後知音  
少粉節霜筠漫歲寒

田中丞高亭

高亭林表迥嵯峨獨坐秋宵不寢多玉兔玉人歌裏

出白雲雖白莫相和

贈人班竹拄杖

揀得林中最細枝結根石上長身遲莫嫌滴瀝紅班  
少恰是湘妃淚盡時

尋石甕寺上方

野寺入時春雪後崎嶇得到此房前老僧不出迎朝  
客已住上方三十年

題青龍寺

碣石山人一軸詩終南山北數人知擬看青龍寺裏  
月待無一點夜雲時



阮籍嘯臺

如聞長嘯春風裏荆棘叢邊訪舊蹤地接蘇門山近  
遠荒臺突兀抵高峯

楊祕書新居

城角新居隣靜寺時從新閣上南樓南山泉入宮中  
去先向詩人門外流

哭孟東野

蘭無香氣鶴無聲哭盡秋天月不明自從東野先生  
死側近雲山得散行

過京索先生墓

京索先生三尺墳秋風漠漠吐寒雲從來有恨君多  
哭今日何人更哭君

客思

促織聲尖尖似針更深刺着旅人心獨言獨語月明  
裏驚覺眠童與宿禽

觀鹿

條峯五老勢相連此鹿來從若箇邊別有野麋人不  
見一生長飲白雲泉

聽樂山人彈易水

朱絲絃底燕泉急燕將雲孫白日彈嬴氏歸山陵已



掘聲聲猶帶髮衝冠

經蘇秦墓

沙埋古篆折碑文六國興亡事繫君今日淒涼無處  
說亂山秋盡有寒雲

題戴勝

星點花冠道士衣紫陽宮女化身飛能傳上界春消  
息若到蓬山莫放歸

題隱者居二首

雖有柴門長不關片雲孤木伴身閑猶嫌住久人知  
處見擬移家更上山

老子堂前花萬樹先生曾見幾回春夜煎白石平明  
喫不擬教人哭此身

春詞

沈亞之 四首

黃鳥啼時春日高紅芳發盡井邊桃美人手暖裁衣  
易片片輕花落剪刀施肩吾亦有

題候仙亭

新剏仙亭覆石壇雕梁峻宇入雲端嶺北嘯猿高枕  
聽湖南山色卷簾看

送龐子肅

三年遊宦也迷津馬困長安九陌塵都作無成不歸



去古來妻嫂笑蘇秦

夢遊秦宮

君王多感放東歸從此秦宮不復期  
春景似傷秦喪主落花如雨淚燕脂

萬首唐人絕句卷第二十四

萬首唐人絕句卷第二十五

七言一百首

過勤政樓

杜牧

千秋佳節名空在承露絲囊世已無  
唯有紫苔偏稱意年年因雨上金鋪

題魏文正

蟭蛄寧與雪霜期賢哲難教俗士知  
可憐貞觀太平後天不且留封德彝

念昔遊三首

十載飄然繩檢外樽前自獻自為酬  
秋山春雨閑吟



處倚遍江南寺寺樓

雲門寺外逢猛雨林黑山高雨脚長曾奉郊宮為近

侍分明攬攬羽林槍

李白題詩水西寺古木回巖樓閣風半醒半醉遊三日紅白花開山雨中

過華清宮三首

長安回望繡成堆山頂千門次第開一騎紅塵妃子笑無人知是荔枝來

新豐綠樹起黃埃數騎漁陽探使回霓裳一曲千峯上舞破中原始下來

萬國笙歌醉太平倚天樓殿月分明雲中亂拍祿山舞風過重巒下笑聲

登樂遊原

長空澹澹孤鳥沒萬古銷沉向此中看取漢家何似業五陵無樹起秋風

春申君

烈士思酬國士恩春申誰與快冤魂三千賓客摠珠履欲使何人殺李園

奉陵宮人

相如死後無詞客延壽亡來絕畫工玉顏不是黃金



少淚滴秋山入壽宮

讀韓杜集

杜詩韓筆愁來讀似倩麻姑養處搔抓天外鳳凰誰得  
髓無人解合續弦膠

送國基王逢

絕藝如君天下少閑人似我世間無別後竹窗風雪  
夜一燈明暗覆吳圖

少年行

連環羈玉聲光碎綠錦蔽泥虬卷高春風細雨走馬  
去珠落璀璨白蜀袍

沈下賢

斯人清唱何人和草逕苔蕪不可尋一夕小敷山下  
夢水如環珮月如襟

偶題

甘羅昔作秦丞相子政曾為漢輦郎千載更逢王侍  
讀當時還道有文章

朱坡三首

故國池塘倚御渠江城三詔損魚書賈生辭賦恨流  
落祇向長沙住歲餘  
煙深苔巷唱樵兒花落寒輕倦客歸藤岸竹洲相掩



映滿池春雨鷓鴣飛  
乳肥春洞生鵝管沼避回巖勢大牙自笑卷懷頭角  
縮歸盤煙磴恰如蝸

出宮人二首

閑吹玉殿昭華管醉折梨園縵帶花十年一夢歸人  
世絳縷猶封繫臂紗  
平陽拊背穿馳道銅雀分香下壁門幾向綴珠深殿  
裏妬拋羞態卧黃昏

杏園

夜來微雨洗芳塵公子驪駒返始勻莫恠杏園顛顛  
去滿城多少插花人

春晚題韋家亭子

擁鼻侵襟花草香高臺春去恨茫茫  
晚曲渚飄成錦一張

感宋拾遺題名

竄逐窮荒與死期餓唯蒿藿病無醫  
恨不見崇山謫去時

將赴吳興登樂遊原

清時有味是無能閑愛孤雲靜愛僧  
去樂遊原上望昭陵



江南懷古

車書混一業無窮井邑山川今古同  
戊辰年向金陵  
過惆悵閑吟憶庾公

江南春

千里鶯啼綠映紅水村山郭酒旗風  
南朝四百八十  
寺多少樓臺煙雨中

題禪智寺

故里溪頭松柏雙來時盡日倚松窓  
杜陵隋苑已絕  
國秋晚南遊更渡江

齊安郡中偶題二首

兩竿落日溪橋上半縷輕煙柳影中  
多少綠荷相倚  
恨一時回首背西風  
秋聲無不攪離心夢澤蒹葭楚雨深  
自滴堦前大梧  
葉干君何事動哀吟

齊安郡後池

菱透浮萍綠錦池夏鶯千轉弄薔薇  
盡日無人看微  
雨鴛鴦相對浴紅衣

題城樓

鳴軋江樓角一聲微陽潏潏落寒汀  
不用憑欄苦回  
首故鄉七十五長亭



池州青溪

弄溪終日到黃昏照數秋來白髮根何物賴君千遍  
洗筆頭塵土漸無痕

遊金碧洞

初柳霜林下石稜潺湲聲斷滿溪冰攜茶臘月遊金  
碧合有文章病茂陵

贈李秀才

骨清年少眼如冰鳳羽參差五色層天上騏驎時一  
下人間不獨有徐陵

題貴池亭

勢比凌歊宋武臺分明百里遠帆開蜀江雪浪西江  
滿強半春寒去却來

蘄州蘭溪

蘭溪春盡碧泱泱映水蘭花雨發香楚國大夫憔悴  
日應尋此路去瀟湘

題水口草市

倚溪侵嶺多高樹誇酒書旗有小樓驚起鴛鴦豈無  
恨一雙飛去却回頭

初冬夜飲

淮陽多病偶求懽客袖侵霜興燭盤砌下梨花一堆



雪明年誰此凭欄干

山石榴

似火山榴映小山  
繁中能薄艷  
中閑一朵佳人玉釵  
上祇疑燒却翠雲鬟

隋隄柳

夾岸垂楊三百里  
祇應圖畫最相宜  
自嫌流落西歸  
疾不見東風二月時

柳

數樹新開翠影齊  
倚風情態被春迷  
依依故國樊川  
恨半掩村橋半拂溪

鷺鷥

雪衣雪髮青玉紫  
群捕魚兒溪影中  
驚飛遠映碧山  
去一樹梨花落晚風

村舍鷺

漢宮一百四十五  
多下珠簾閉瑣窓  
何處管巢夏將  
半茅簷煙裏語雙雙

歸鷺

盡堂歌舞喧喧地  
社去社來人不看  
長是江樓使君  
伴黃昏猶待倚欄干

傷猿



獨折南園一朵梅重尋幽坎已生苔無端晚吹驚高  
樹似裊長枝欲下來

雲

盡日看雲首不回無心都大似無才可憐光彩一片  
玉萬里晴天何處來

醉後題僧院二首

離心忽忽復悽悽雨晦傾瓶取醉泥可羨高僧共心  
語一如攜穉往東西  
舫船一棹百分空十歲青春不負公今日鬢絲禪榻  
畔茶煙輕颺落花風

見吳秀才別妓

紅燭短時羌笛怨清歌咽處蜀絃高萬里分飛兩行  
淚滿江寒雨正蕭騷

贈朱道靈

劉根丹篆三千字郭璞青囊兩卷書牛渚磯南謝山  
北白雲深處有巖居

屏風

屏風周倣畫纖罽歲久丹青色半銷斜倚玉窓鸞髮  
女拂塵猶白妬嬌饒

哭韓綽



平明送葬上都門  
縹髮交橫逐去魂  
歸來冷笑悲身事  
喚婦呼兒索酒盆

新定途中

無端偶効張文紀  
下杜鄉園別五秋  
重過江南更千里  
萬山深處一孤舟

商山道中

水疊鳴珂樹如帳  
長楊春殿九門珂  
我來惆悵不自決  
欲去欲住終如何

漢江

溶溶漾漾白鷗飛  
淥淥淨春深  
好染衣  
南去北來人自

老夕陽長送釣船歸

哭亡友

故人墳樹五秋風  
伯道無兒跡更空  
重到笙歌分散地  
隔江吹笛月明中

赤壁

折戟沉沙鐵未消  
自將磨洗認前朝  
東風不與周郎便  
銅雀春深鎖二橋

雲夢澤

日旗龍旆想飄揚  
一索功高縛楚王  
真是超然五湖客  
未如終始鄆汾陽



泊秦淮

煙籠寒水月籠沙  
夜泊秦淮近酒家  
商女不知亡國恨  
隔江猶唱後庭花

秋浦途中

蕭蕭山路窮  
秋雨浙浙溪風一岸蒲  
爲問寒沙新到鴈  
來時還下杜陵無

題桃花夫人廟

卽息夫人

細腰宮裏露桃新  
脉脉無言度幾春  
至竟息亡緣底事  
可憐金谷墮樓人

題烏江亭

勝敗兵家事不期  
包羞忍耻是男兒  
江東子弟多才俊  
卷土重來未可知

題橫江館

孫家兄弟晉龍驤  
馳騁功名業帝王  
至竟江山誰是主  
苔磯空屬釣魚郎

寄揚州韓綽判官

青山隱隱水遙遙  
秋盡江南草木凋  
二十四橋明月夜  
玉人何處教吹簫

送李羣玉赴舉

故人別來面如雪  
一榻拂雲秋影中  
玉白花紅三百



首五陵誰唱與春風

甘棠館御溝

一渠東注芳華苑苑鎖池塘百歲空  
水殿半傾蟾口澁為誰流下蓼花中

汴河懷古

錦纜龍舟隋煬帝平臺複道漢梁王  
遊人閑起前朝念折柳孤吟斷殺腸

汴河阻凍

千里長河初凍時玉珂瑤珮響參差  
浮生憐似冰底水日夜東流人不知

題元處士高亭

水接西江天外聲小齋松影拂雲平  
何人教我吹長笛與倚春風弄月明

鄭瓘協律

廣文遺韻留樽散雞犬圖書共一船  
自說江湖不歸事阻風中酒過年年

送陸濟郎中弃官歸

少微星動照春雲魏闕衡門路自分  
倏去忽來應有意世閒塵土漫疑君

寄珉笛與宇文舍人



調高銀字聲還側物比柯亭韻校奇寄與王人天上  
去相將軍見不教吹

途中二首

鏡中綵髮悲來慣衣上塵痕拂漸難惆悵江湖釣竿  
手却遮西日向長安

田園不事來遊宦故國誰交爾別離獨倚闌亭還把  
酒一年春盡送春詩

題村舍

三樹稚桑春未刈扶床乳女午啼飢潛銷暗鑠歸何  
處萬指侯家自不知

江

楚鄉寒食橘花時野渡臨風駐綵旗草色連雲人去  
住水紋如縠燕差池

題木蘭廟

彎弓征戰作男兒夢裏曾經夢畫眉幾度思歸還把  
酒拂雲堆上祝明妃

入商山

早入商山百里雲藍溪橋下水聲分流水舊聲人舊  
耳此回嗚咽不堪聞

題商山廟



呂氏強梁嗣子柔我於天性豈恩讎南軍不袒左邊  
袖四老安劉是滅劉

送隱者

無媒逕路草蕭蕭自古雲林遠市朝公道世間唯白  
髮貴人頭上不曾饒

送斛斯判官

蒼蒼煙月滿川亭我有勞歌一爲聽將取雖蒐隨白  
騎三台星裏拜文星

贈別二首

娉娉裊裊十三餘荳蔻梢頭二月初春風十里揚州

過卷上珠簾揔不如

多情却似揔無情唯覺罇前笑不成蠟燭有心還惜  
別替人垂淚到天明

寄遠

前山極遠碧雲合清夜一聲白雪微欲寄相思千里  
月溪邊殘照雨霏霏

九日

金英繁亂拂欄香明府辭官酒滿缸還有玉樓輕薄  
女笑他寒燕一雙雙

寄牛相公



漢水橫衝蜀浪分危樓點的拂孤雲六年仁政謳謌  
去柳遠春隄處處聞

斑竹筒簾

血染斑斑成錦紋昔年遺恨至今存分明知是湘妃  
泣何忍將身卧淚痕

和嚴憚落花

共惜流年留不得且環流水醉流杯無情紅豔年年  
盛不恨凋零却恨開

倡樓戲贈

細柳橋邊深半春纈衣簾裏動香塵無端有寄閑消

息背插金釵笑向人

宣州開元寺

松寺曾同一鶴棲夜深臺殿月高低何人爲倚東樓  
柱正是千山雪漲漲

寺南樓

小樓纔受一床橫終日看山酒滿傾可惜和風夜來  
雨醉中虛度打窓聲

留贈

舞鞞應任閑人看笑臉還須待我開不用鏡前空有  
淚薔薇花謝即歸來



送薛邽二首

可憐走馬騎驢漢豈有風光肯占伊只有三張最惆  
悵下山回馬尚遲遲

小捷風流已俊才便將紅粉作金臺明年未去池陽  
郡更乞春時却重來

南陵道中

南陵水面漫悠悠風緊雲輕欲變秋正是客心孤迥  
處誰家紅袖凭江樓

別家

初歲嬌兒未識爺別爺不拜手吒义拊頭一別三千

里何日迎門却到家

雨

連雲接塞添迢遞灑幕侵燈送寂寥一夜不眠孤客  
耳主人窓外有芭蕉

送人

鴛鴦帳裏暖芙蓉低泣關山幾萬重明鑑半邊釵一  
股此生何處不相逢

醉贈薛道封

飲酒論文四百刻水分雲隔二三年男兒事業知公  
有賣與明君直幾錢



萬首唐人絕句卷第二十五

萬首唐人絕句卷第二十六

七言一百首

詠襪

杜牧 八十三首

鈿尺裁量減四分  
纖纖玉笋裹輕雲  
五陵年少欺他  
醉笑把花前出畫裙

宮詞二首

蟬翼輕綃傳體紅  
玉膚如醉向春風  
深宮鎖閉猶疑  
惑更取丹沙試辟宮

監宮引出暫開門  
隨例須朝不是恩  
銀鑰却收金鎖  
合月明花落又黃昏



月

三十六宮秋夜深  
昭陽歌斷信沉沉  
唯應獨伴陳皇后  
照見長門望幸心

入關

東西南北數衢通  
曾取江西徑過東  
今日更尋南去路  
未秋應有北歸鴻

及第後寄長安故人

東都放榜未花開  
三十三人走馬回  
秦地少年多辨酒  
已將春色入關來

偶作

才子風流詠曉霞  
倚樓吟住日初斜  
驚殺東鄰繡床女  
錯將黃暈壓檀花

贈終南僧

北闕南山是故鄉  
兩枝仙桂一時芳  
休公都不知名姓  
始覺禪門氣味長

遣懷

落魄江南載酒行  
楚畧腸斷掌中輕  
十年一覺楊州夢  
占得青樓薄倖名

春日途中

田園不是來遊宦  
故國誰教爾別離  
獨倚關亭還把



酒一年春盡送春時

秋感

金風萬里思何盡  
玉樹一窻秋影寒  
獨掩此門明月  
下淚流香袂倚欄干

贈漁父

蘆花深澤靜垂綸  
月夕煙朝幾十春  
自說孤舟寒水  
畔不曾逢着獨醒人

歎花

自恨尋芳到已遲  
往年曾見未開時  
如今風擺花狼籍  
綠葉成陰子滿枝

山行

遠上寒山石徑斜  
白雲生處有人家  
停車坐愛楓林  
晚霜  
蕭紅於二月花

書懷

滿眼青山未得過  
鏡中無那鬢絲何  
祗言旋老轉無  
事欲到中年事更多

紫微花

曉迎秋露一枝新  
不占園中最上春  
桃李無言又何  
在  
向風偏笑豔陽人

醉後呈崔大夫



謝傳秋涼閱管絃徒教賤子待華筵溪頭正雨歸不  
得辜負南窓一覺眠

方響

數條秋水挂琅玕玉手丁當怕夜寒曲盡連敲三四  
下恐驚珠淚落金盤

題真上人院

清羸已近百年身古寺風煙又一春  
寰海自成戎馬地唯師曾是太平人

對花不飲

花前雖病亦提壺數調持觴興有無  
盡日臨風羨人

醉雪香空伴白髭鬚

桃花園

桃滿西園淑景催幾多紅豔淺深開  
此花不逐溪流出晉客無因入洞來

送杜十三

煙鴻上漢聲聲遠逸驥尋雲步步高  
應笑內兄年六十郡城閑坐養霜毛

後池泛舟送王十二首

相送西郊暮景和青蒼竹外遶寒波  
爲君蘸甲十分飲應見離心一倍多



分袂還應立馬看  
向來離思始知難  
鴈飛不見行塵滅  
景下山遙極目寒

洛陽秋夕

泠泠寒水帶霜風  
更在天橋夜景中  
清禁漏閑煙樹寂  
月輪移在上陽宮

獵騎

已落雙鷗血尚新  
鳴鞭走馬又翻身  
憑君莫射南來鴈  
恐有家書寄遠人

懷吳中馮秀才

長洲苑外草蕭蕭  
却算遊程歲月遙  
唯有別時今不

忘暮煙秋雨過楓橋

寄東塔僧

初月微明漏白煙  
碧松梢外挂青天  
西風靜起傳深業  
應送愁吟又夜蟬

秋夕

紅燭秋光冷畫屏  
輕羅小扇撲流螢  
瑤階夜色涼如水  
坐看牽牛織女星

瑤瑟

玉仙瑤瑟夜珊珊  
月過樓西桂燭殘  
風景人間不如  
此動搖湘水徹明寒



送人歸山

三清洞裏無端別，又拂塵衣欲臥雲。  
看著挂冠迷處所，北山蘿月在移文。

聞角

曉樓煙檻出雲霄，景下林塘已寂寥。  
城角爲秋悲更遠，護霜雲破海天遙。

發谷口

曉澗青青桂色孤，楚人隨玉上天衢。  
水辭谷口山寒少，今日風頭校暖無。

賞蕙草

尋常詩思巧如春，又喜幽亭蕙草新。  
本是馨香比君子，遶欄今更爲何人。

偶題

道在人間或可傳，小還輕變已多年。  
今來海上昇高望，不到蓬萊不是仙。

三川驛覽座主舍人留題

舊跡依然已十秋，雪山當面照銀鈎。  
懷恩淚盡霜天曉，一片餘霞映驛樓。

醉贈裴四同年

淒風洛下同羈思，遲日棠陰得醉歌。  
自笑與君三歲



別頭銜依舊鬢絲多

破鏡

佳人失手鏡初分何日團圓再會君  
今朝萬里秋風起山北山南一片雲

長安雪後

秦陵漢苑參差雪北闕南山次第春  
車馬滿城原上去豈知惆愴有閑人

華清宮

零葉翻紅萬樹霜玉蓮閑藥暖泉香  
行雲不下朝元閣一曲淋鈴淚數行

冬日題寺北樓

滿懷多少是恩酬未見功名已白頭  
不爲尋山試筋力豈能寒上背雲樓

別王十後附書

重關曉度宿雲寒羸馬緣知步步難  
此信的應中路見亂山何處拚書看

李蘄州問斷酒因寄

有客南來話所思故人遙在醉中詩  
暫因微疾須防酒不是歡情減舊時

望少華三首



身隨白日看將老心與青雲自有期  
今對晴峰無十里世緣多累暗生悲

文字波中去不還物情初與是非關  
時名竟是無端事羞對靈山道愛山

眼看雲鶴不相隨何況塵中事  
作爲好伴羽人深洞去月前秋聽玉參差

登豐州驛樓寄韋尹

一話涪陽舊使君郡人回首望青雲  
政聲長與江聲在自到津樓日夜聞

長安晴望

翠屏山對鳳城開碧落搖光霽  
後來回識六龍巡幸處飛煙閑繞望春臺

歲旦朝回

星河猶在整朝衣遠望天門再拜歸  
笑向東風初五十敢言知命且知非

宮人家

盡是離宮院中女苑墻城外冢纍纍  
少年入內教歌舞不識君王到死時

寄杜子二首

不識長楊事北胡且教紅袖醉來扶  
狂風烈焰雖千



尺豁得平生俊氣無

武牢關吏應相笑箇底年年往復來若問使君何處去爲言相憶首長回

有感

宛溪垂柳最長枝曾被春風盡日吹不堪攀折猶堪看陌上少年來自遲

江南送左師

江南爲客正悲秋更送吾師古渡頭惆悵不同塵土別水雲蹤跡去悠悠

郡樓有宴病不起

十二層樓敞畫簷連雲歌盡草纖纖空堂病怯階前月燕子嗔垂一桁簾

隋苑

定子牛相小青

紅霞一抹廣陵春定子當筵睡臉新却笑丘墟隋煬帝破家亡國爲誰人

汴水舟行答張祜

千萬長河共使船聽君詩句倍悽然春風野岸名花發一道帆檣畫御煙

寓言

暖風遲日柳初含顧影看身又自慙何事明朝獨惆



唐詩卷三十一  
九  
悵杏花時節在江南

猿

月白煙青水暗流  
孤猿銜恨叫中秋  
三聲欲斷疑腸斷  
饒是少年須白頭

懷歸

塵埃終日滿窗前  
水態雲容思浩然  
爭得便歸湘浦去  
却持竿上釣魚船

邊上晚秋

黑山南面更無州  
馬放平沙夜不收  
風送孤城臨晚角  
一聲聲入客心愁

悼吹簫妓

玉簫聲斷沒流年  
滿目春愁隴樹煙  
艷質已隨雲雨散  
鳳樓空鎖月明天

訪許顏

門近寒溪窻近山  
枕山流水日潺潺  
長嫌世上浮雲客  
老向塵中不解顏

春日古道傍作

萬古榮華旦暮齊  
樓臺春盡草萋萋  
君看陌上何人墓  
旋化紅塵送馬蹄

青冢



青冢前頭隴水流燕支山上墓雲秋蛾眉一隊窮泉  
路夜夜孤魂月下愁

大夢上人自廬峰回

行脚尋常到寺稀一枝藜杖一禪衣開門滿院空秋  
色新向廬峰過夏歸

洛中二首

柳動晴風拂路塵年年宮闕鎖濃春一從翠輦無巡  
幸老却蛾眉幾許人  
風吹柳帶搖晴綠蝶遶花枝戀暖香多把芳菲泛去  
酒直教愁色對愁腸

邊上聞胡笳三首

何處吹笳薄暮天塞垣高鳥沒狼煙遊人一聽頭堪  
白蘇武爭禁十九年

海路無塵邊草新榮枯不見綠楊春白沙日暮愁雲  
起獨感離鄉萬里人  
胡雛吹笛上高臺寒鴈驚飛去不回盡日春風吹不  
散只應分付客愁來

閑題

男兒所在即爲家百鎰黃金一朶花借問春風何處  
好綠楊深巷馬頭斜



金谷園

繁華事散逐香塵流水無情草自春日暮東風怨啼  
鳥落花猶似墮樓人

重登科

星漢離離月出輪滿街含笑綺羅春花前每被青娥  
問何事重來只一人

遊邊

黃沙連海路無塵邊草長枯不見春日暮拂雲堆下  
過馬前逢着射鵰人

隋宮春

龍舟東下事成空蔓草萋萋滿故宮亡國亡家爲顏  
色露桃猶自恨春風

寓題

把酒直須判酌酌逢花莫惜暫淹留假如三萬六千  
日半是悲哀半是愁

送趙十二

省事却因多事力無心翻似有心來秋風郡閣殘花  
在別後何人更一杯

呈鄭先輩

不語亭亭儼薄粧畫裙雙鳳鬱金香西京才子旁看



取何似喬家那窈娘

偶見

朔風高緊掠河樓白臯駟郎白罽裘有箇當壚明似  
月馬鞭斜揖笑回頭

醉倒

日晴空樂下仙雲俱在涼亭送使君莫辭一盞即相  
請還是三年更不聞

兵部尚書席上作

華堂今日綺筵開誰召分司御史來偶發狂言驚滿  
坐三重粉面一時回

和州絕句

江湖醉度十年春牛渚山邊六問津歷陽前事知虛  
實高位紛紛見陷人

仙女詞

楊衡五首

玉笄初侍紫皇君金縷鴛鴦滿絳裙仙宮一閉無消  
息遙結芳心向碧雲

春夢

落庭日照花如錦紅粧美人當晝寢傍人不知夢中  
事唯見玉釵時墜枕

宿青牛谷



隨雲步入青牛谷青牛道士留我宿可憐夜久月明  
中唯有壇邊一枝竹

寄徹公

北風吹霜霜月明荷葉枯盡越水清別來幾度龍宮  
宿雪山童子應相逐

九日

黃花紫菊傍籬落摘菊泛酒愛芳新不堪今日望鄉  
意強插茱萸隨衆人

春日

宋邕一首

輕花細葉滿林端昨夜春風晚色寒黃鳥不堪愁裏

聽綠楊宜向雨中看

社日村居

張演一首

鵝湖山下稻梁肥  
狔穉棲對掩扉  
桑柘影斜春社散  
家家扶得醉人歸

贈李十二

崔成甫一首

我是瀟湘放逐臣  
君辭明主漢江濱  
天外常求太白老  
金陵捉得酒仙人

過上人蘭若

綦毋潛二首

山頭禪室挂僧衣  
窗外無人溪鳥飛  
黃昏半在山下路  
却聽鐘聲連翠微



早發上東門

十五能行西入秦三十無家作路人時命不將明主  
蒼素衣空染洛陽塵

侍宴桃花園

徐彥伯 三首

源水叢花無數開丹跗紅萼間青梅從今結子三千  
歲預喜仙游復摘來

上巳祓禊

晴風麗日滿芳洲雲幕春筵祓錦流皆言曲侍璜溪  
宴暫似乘槎天漢游

夜燕安樂公主宅

鳳樓開闔引明光花醕連添醉益香欲知帝女熏天  
貴金柯玉柱夜成行

小雪日戲題

張登 首

甲子徒推小雪天刺桐猶綠槿花然陽和長養無時  
歇却是炎洲雨露偏

歸燕下第後獻主司 章孝標 三首

舊累危巢泥已落今年故向社前歸連天大厦無棲  
處更傍誰家門戶飛

及第後寄淮南李相公

及第全勝十政官金湯渡了出長安馬頭漸入揚州



路為報時人洗眼看

春雪獻李相公

六出飛花處處飄  
黏窻拂砌上寒條  
朱門到曉難盈尺  
盡是三軍喜氣銷

萬首唐人絕句卷第二十六

萬首唐人絕句卷第二十七

七言一百首

寄友二首

李羣玉 五十四首

野水晴山雪後時  
獨行村路更相思  
無因一向溪橋醉  
處處寒梅映酒旗

花落輕寒酒熟遲  
醉眠不及落花期  
愁人想憶春山暮  
煙樹蒼蒼撥穀時

澧陵路中

別酒離亭十里強  
半醒半醉引愁長  
無人寂寂春山路  
雪打溪梅狼籍香



大庾嶺別友人

篔簹無子鵝雛飢毛彩凋摧不得歸誰念火雲千嶂裏低身猶傍鷓鴣飛

石門戍

到此空思吳隱之潮痕草蔓上幽碑人來皆望珠璣去誰詠貪泉四句詩

聞湘南從叔朝覲

長沙地窄却回時舟楫駸駸向鳳池爲報湘川神女道莫教雲雨濕旌旗

漢陽太白樓

江上晴樓翠靄閒滿簾春水滿窻山青楓綠草將愁去遠入吳雲暝不還

送客

沅水羅文海燕回柳條牽恨到荆臺定知行路春愁裏故郢城邊見落梅

南莊春晚二首

連雲草映一條陂鷓鴣雙雙帶水飛南村小路桃花落細雨斜風獨自歸

草暖沙長望去舟微茫煙浪向巴丘沅湘寂寂春歸盡水綠蘋香人自愁



移松竹

龍髯鳳尾亂颼颼帶霧停風一畝秋待取滿庭蒼翠  
合酒尊書案閉門休

引水行

一條寒玉走秋泉引出深蘿洞口煙十里暗流聲不  
斷行人頭上過潺湲

黃陵廟

黃陵廟前莎草春黃陵女兒茜裙新輕舟小楫唱歌  
去水遠山長愁殺人

北亭

斜雨飛絲織晚空踈簾半捲野亭風荷花向盡秋光  
晚零落殘紅綠沼中

送客往洛陽

春與春愁逐日長遠人天畔遠思鄉蘋生水綠不歸  
去孤負東溪七里莊

桃源

我到瞿真上昇處山川四望使人愁紫雲白鶴去不  
返唯有桃源溪水流

題王侍御宅

門向滄江碧岫開地多鷗鷺少塵埃綠陰十里灘聲



裏閑去王家看竹來

文殊院避暑

赤日黃埃滿世間  
松聲入耳即心閑  
願尋五百仙人去  
一世清涼住雪山

寄友人鹿胎冠子

散點踈星紫錦班  
仙家新樣剪三山  
宜與謝公松下戴  
淨簪雲髮翠微間

江南

鱗鱗別浦起微波  
泛泛輕舟桃葉歌  
斜雪北風何處宿  
江南一路酒旗多

答友寄新茗

滿火芳香碾麴塵  
吳甌湘水綠花新  
媿君千里分滋味  
寄與春風酒渴人

峽山寺上方

滿院泉聲山殿涼  
殿簾微雨野松香  
東峯下視南溟月  
笑踏金波看海光

秋登涪陽城二首

萬戶砧聲水國秋  
涼風吹起故鄉愁  
行人望遠偏傷思  
白浪青楓滿北樓

穿針樓上閉秋煙  
織女佳期又隔年  
斜漢夜深吹不



落一條銀浪挂秋天

釣魚

七尺青竿一丈絲  
菰蔣葉裏逐風吹  
幾回舉手拋芳餌  
驚起沙灘水鴨兒

酬魏三十七

靜裏寒香觸  
思初開絨忽見  
二瓊琚一吟麗  
句風流極沒得  
洪文李校書

贈琵琶

我見鴛鴦飛水上  
君還望月苦相思  
一雙裙帶同心結  
早寄黃鸝孤鴈兒

落帆後賦得二絕

平湖茫茫春日落  
危檣獨映沙洲泊  
上岸閑尋細草行  
古查飛起黃金鸚  
水浮秋烟沙曉雪  
皎潔無風影澄澈  
海客雲帆未掛時  
相與綠江拾明月

贈妓人

誰家少女字千金  
省向人間觸處尋  
今日分明花裏見  
一雙紅臉動春心

贈人

曾留宋玉舊衣裳  
惹得巫山夢裏香  
雲雨無情難管



領任他別嫁楚襄王

石榴

洞中春氣蒙籠喧尚有紅英千樹繁  
可憐夾水錦步障羞殺石家金谷園

鷓鴣

錦羽相呼慕沙曲波上雙聲戛  
哀玉霞明川靜極望中一時飛滅  
青山綠

沅江漁者

倚棹汀洲沙日晚江鮮野菜桃花飯  
長歌一曲烟靄深歸去滄浪綠波遠

題金山寺石堂

白波四面照樓臺日夜潮聲遶寺回  
千葉紅蓮高會處幾曾龍女獻珠來

戲贈魏四十

蘭浦秋來煙雨深幾多情思在琴心  
知君調得東家子早晚和鳴入錦衾

和人贈別

嘯黛低紅別怨多深停芳恨滿橫波  
聲中唱出纏綿意淚落燈前一曲歌

宿巫山廟二首



寂寞高堂別楚君  
玉人天上逐行雲  
停舟十二峯巒  
下幽佩仙香半夜聞

廟閉春山曉月光  
波聲回合樹蒼蒼  
自從一別襄王  
夢雲雨空飛巫峽山

傷柘枝

曾見雙鸞舞鏡中  
聯飛接影對春風  
今來獨在花筵  
上月滿秋天一半空

題櫻桃

春初携酒此花間  
幾度臨風倒玉山  
今日葉深黃滿  
樹再來惆悵不能攀

惱從兄

芳草萋萋新燕飛  
芷河南望鴈書稀  
武陵洞裏尋春  
客已被桃花迷不歸

紫極宮齋後

紫府空歌碧落寒  
曉星寥亮月光殘  
一羣白鶴高飛  
散唯有松風吹石壇

春晚

思鄉之客空疑嘔  
天邊欲盡未盡春  
獨攀江樹深不  
語芳草落花愁殺人

喜渾吉見訪



公子春衫桂水香  
遠衝霏雪過書堂  
貧家冷落難消日  
唯有松筠滿院涼

索曲送酒

簾外春風正落梅  
須求狂藥解愁回  
煩君玉指輕攏撚  
慢撥鴛鴦送一杯

山驛梅花

生在幽崖獨無主  
溪蘿澗鳥爲儔侶  
行人陌上不留情  
愁香空謝深山雨

重陽日上渚宮楊尚書

落帽臺邊菊半黃  
行人惆悵對重陽  
荊州一見桓宣

武爲赴悲秋入帝鄉

校書叔遺暑服

翠芸箱裏疊稊稊  
楚葛湘紗淨似空  
便着清江明月夜  
輕涼與掛一身風

贈魏三十七

名珪字玉淨無瑕  
美譽芳聲有數車  
莫放焰光高二丈  
來年燒殺杏園花

酬崔表臣

昨日朱門一見君  
忽驚野鶴在雞羣  
不應長啄潢汙水  
早晚歸飛碧落雲



歎靈鷲寺山榴

水蝶巖蜂俱不知  
露紅凝豔數千枝  
山深春晚無人賞  
即是杜鵑催落時

中秋寄南海侍御

海靜天高景氣殊  
鯨睛失彩蚌潛珠  
不知今夜越臺上  
望見瀛洲方丈無

戲贈姬人

骰子巡拋裏手拈  
無因得見玉纖纖  
但知謔道金釵落  
圖向人前露指尖

丹陽送韋參軍

嚴維五首

丹陽郭裏送行舟  
一別心知兩地秋  
日晚江南望江北  
寒鴉飛盡水悠悠

相里使君宅聽惠澄上人吹小管

秦僧吹竹閉秋城  
早在梨園稱主情  
今夕襄陽山太守  
坐中流淚聽商聲

荅劉長卿

新安非欲枉帆過  
海內如君有幾何  
醉裏別時秋水色  
老人南望一狂歌

發桐廬寄劉員外

處處雲山無盡時  
桐廬南望轉參差  
舟人莫道新安



近欲上潺湲行自遲

歲初喜皇甫侍御至

湖上新正逢故人情深應不笑家貧明朝別後門還  
掩脩竹千竿一老身

舊鏡

鮑溶 三十七首

團團銅鏡似潭水心愛玉顏私自親一經離別少年  
改難與清光相見頻

期盡

魚鎖生衣門不開玉筐金月共塵埃青山石婦千年  
望雷雨曾來知不來

寄天台準公

赤城橋東見月夜佛壠寺邊行月僧閑踏莓苔繞琪  
樹海光清淨對心燈

送蕭秀才

心交別我西京去愁滿春蒐不易醒從此無人訪貧  
病馬蹤車轍草青青

隋宮二首

柳塘煙起日西斜竹浦風回鴈弄沙煬帝春游古城  
在壞宮芳草滿人家

玉鉤闌畔寒泉水金轆轤邊照影人此水今為九泉



路一枝花照數堆塵

塞上行

西風應時筋角堅承露牧馬水草冷可憐黃河九曲  
盡擅館牢落樹無影

吳中夜別

楚客秋思著黃葉吳姬夜歌停碧雲聲盡燈前各流  
淚水天涼冷鴈離羣

送裴婺州

婺女星邊氣不收金華山水似瀛洲含香太守心清  
淨去與神仙日日遊

荅客

竹間深路馬驚嘶獨入蓬門半似迷勞問圃人終歲  
事桔槔聲裏雨春畦

贈楊鍊師二首

紫煙衣上繡春雲清隱山書小篆文明月在天將鳳  
管夜深吹向玉晨君

道士夜誦藥珠經白鶴下繞香煙聽夜移經盡人上  
鶴仙風吹入秋冥冥

寄薛膺昆季

楚山清路兩無期夢裏春風玉樹枝何況芙蓉樓上



客海門江月亦相思

楊真人錄中像

畫中留得清瓊質世上難逢白鶴身  
應見茅盈衰老弟爲持金錄救生人

懷王秀才

鄉無竹圃爲三徑貧寄鄰家已二年  
唯有素風身未墜世間開口不言錢

題真公影堂

舊房西壁畫支公昨暮今辰色不同  
遠客問心無處取獨添香火望虛空

秋夜懷紫閣寺僧

滿山雨色應難見隔澗經聲又不聞  
紫閣夜深多入定石苔誰爲掃秋雲

宿水亭

雕楹采檻壓通陂魚鱗碧幕銜曲玉  
夜深星月伴芙蓉如在廣寒宮裏宿

寄海陵韓長官

吏散重門印不開玉琴招鶴舞徘徊  
野人爲此多東望雲雨仍從海上來

得儲道士書



嬋娟春盡暮心收鄰里同年半白頭爲問蓬萊近消  
息海波平靜好東遊

感路侍御訪別

西臺御史重難言落木踈籬繞病鬼一望青雲感駮  
馬欵行黃葉出柴門

上巳日上浙東孟中丞

世間禊事風流處鏡裏雲山若畫屏今日會稽王內  
史好將賓客醉蘭亭

送僧遊天台二首

身非居士常多病心愛空王稍覺閑師問寄禪何處

取浙南青翠沃洲山

金嶺雪晴僧獨歸水文霞采納禪衣可憐石室燒香  
夜江月對心無是非

望金山寺

一朵蓬萊在世間梵宮宮闕翠雲閑近南秋水更清  
淺聞道遊人未忍還

奉酬范傳真二首

昨日新花紅滿眼今朝美酒綠留人更宜明月含芳  
露憑仗蕭郎夜賞春

白雪翦花朱蠟帶折花傳笑惜春人請君白日留明



月一醉風光莫厭頻

襄陽懷古

襄陽太守沉碑意身後  
身前幾年事湘江千歲未為  
陵水底魚龍應識字

湖上望月

湖上清涼月更好天邊  
旅人猶未歸幾見金波滿  
還破草蟲聲畔露霑衣

望姑山

幽人往往憶麻姑浮世  
悠悠仙境殊自從青鳥不堪  
使更得蓬萊消息無

暮秋見菊花

菊花低色過重陽似憶  
王孫白玉觴今日王孫好收  
采高天已下兩回霜

東鄰女

雙飛鷓鴣春影斜美人  
盤金衣上花身為父母幾時  
客一生知向何人家

寄李都護

去年河上送行人萬里  
弓旗一武臣聞道玉關烽火  
死大戎知有外家親

長安旅舍懷舊山



昨夜清涼夢本山  
眠雲喚鶴有慙顏  
青蓮道士長堪羨  
身外無名至老閑

漢宮詞二首

栢梁宸居清窈窕  
東方先生夜待詔  
夜久月當承露盤  
內人吹笙舞鳳鸞

月映東牕似玉輪  
未央前殿絕聲塵  
宮槐花落西風起  
鸚鵡驚寒夜喚人

懷仙

闔峯綺閣幾千丈  
瑤水西流十二城  
曾見周靈王太子  
碧桃花下自吹笙

九日

崔國輔四首

江邊楓落菊花黃  
少長登高一望鄉  
九日陶家雖載酒  
三年楚客已霜裳

白紵辭二首

洛陽梨花落如霰  
河陽桃葉生復齊  
坐恐玉樓春欲盡  
紅綿粉絮裛妝啼

董賢女弟在椒風  
窈窕繁華貴後宮  
壁帶金缸皆翡翠  
一朝零落變成空

王昭君

一回望月一回悲  
望月月移人不移  
何時



使為妾傳書斬畫師

萬首唐人絕句卷第二十七





